

دین غیر اختیاری بر فلسفه؛ فلسفه اختیاری بر دین

# فلسفه غیر مختاری

معارضه حرمت، لاقیداره مرعیت


فلسفی قسم ، اقتصادی قسم دن بوسبوتون باشقه بر ماهیتده بولونمقله برابر منفعت تدریسیه نفوذ ایتشدر و بصورتله ایکسجی برنجی به دائما یاردجی وضعیتده قالمشدر. و دینه بیلیرکه، علوم طبیعییه مقدمه خدمتی کوردیکی کبی طبیعتی بیلیمکده بزه رهبرلک ایدن دائما اقتصادی قسم اولمشدر. علوم طبیعییه ده کی اقسامی لامارق آلتی قسمه آیریور :

توزیعات منتظمه ، صنوف ، طاقم ، فاملیا ، اجناس ، اصطلاح. . . ایشته ، آلان علوم طبیعییه ده مهم بر وظیفه ایفا ایدن بو آلتی قسم یاردمیله محصولات طبیعییه صره لائش ، قسملره آیرلش ، مطالعه ایدلش ، تطبیق اولونمش ، یکی کشفیات و تدقیقاته چغیر آچمشدر .

خالجی اوغلو ۵ غوز سنه ۳۲۹

صحبی ارهم

— ختام —



بر رجا

— عزیز مسکرامش رضا نونو، بك افندی به —

ربابك صوك نسخه سنی مقاله علیه لری مناسبیله آلدیم . فلسفه مجموعه سنه یازی یازمقدن امتناعکزی ، هر دقیقه نشرینی بکله دیکم — مسلك عالیترینک ایضاحنی حاوی — کتاب فلسفیکزه چالیشمقله تفسیر ایتشدیکز . او زمانکی امتناعکزدن بو تفسیر طولاییسیله نه قدر ممنون اولدمسه بو دفعه کی نشریاتکزدن ده ینه عینی سببله او درجه محزون اولدم . شو قدرکه قانتك فلسفه سنده عقل و حریتك وجودیله غایه سی بر برندن آریله مادیعی کبی بو محزونیتدن بر درلو آریله میان بر نمونیت ده عینی زمانده نبی اشغال ایتشیدی . کتابکزه چالیشیلیمسی لازم کلن زماندن بر قسمی چالینه رق یازیلان بو مقاله ایچون کتاب نامه حاصل اولان حزنم ، مقاله نك بالذات تأمین ایده جکی منفعت سونجیله تقابل ایتدی . بر دقیقه لق بر تفکر و حساسیت مجادله سندن صوکر ا بونلر بکدیگرینی افنا ایلدی و بن تمامیله بی طرف بر محاکمه ایله « الهام » حقنده کی ناتمام مقاله کزی او قودم .

بو مقاله دن ایتدیگم استفاده بی نهاید در ؛ بونی نهایتلندیرمک ایسترم ، ورنک ایچوندركه قطعیتله آکلایه مدیغم بر نقطه حقنده ممکن مرتبه ایضاحات ویرمکزی رجا واسترحام ایده حکم .  
 مسلك عالیترینک ایضاحنی حاوی کتاب فلسفیکزه محصور اوقاتیکزی سوء استعمال ایتهمک مقصدیه غایت قیصه یازیورم . و ظن ایدیورم که آکلامق خصوصنده پک سمیح ، پک طرفدار تفصیل اولان طبع فیلسوفانه لری آکلامق خصوصنده بالعکس پک قناعتکار یعنی آزله اکتفا طرفداریدر .

الهام مقاله سند هنرله صنعتک فرقلری و نتیجه لری بحق آکلاتیلیمش . بونلری سوه سوه اوقودم . (Formel) ، مقابل صوری ، (Exécution) ، مقابل ادا کی ترجمه لری ممنونیتله اوکرندم . بونکله برابر سویه مشترک ، ارادت ، محصله ، غیر مدرک کی کله لرك یانلرنده کی فرانسه زجه لری فضلله بولدم . و نهایت « روحزک شعوره مقارن اولامیان کیزلی درینلکارنده یعنی غیر مدرک اولان قسم مجهولنده — کیم بیلیر ؟ — بلکه برچوق جریانلرك ایقاع ایتدیکی چالقاتی لردر که اونلرك محصله سی ازادات و الهامات شکلنده طالع لری پیدا ایدیور و یوزه چیقما دجه بزاونلره پیدای شعور ایده میورز ، وجودلرندن آنجق اوزمان خبردار اولاییورزا ، » بحثه کلنجه بر درلو ایشک ایچندن چیقامدم . بو جمله یی ایضاح ایچون یازیلان و کندیگزه عائد اولدیغی ظن اولنان شو جمله یی بر کره دها اوقودم :

« حتی بنم اعتقاد بجه ارادت دیدیکمز قوت دخی عینله الهام دیدیکمز قابلیت کی ، او قوای وجدانیه نک و شرائط انفسیه نک بر محصله سیدر . »

اولکی سوزلر الهامک جلی بر شی اولدیغی و تبلیم و تربیه ایله الهام ایدیه میه جکینی ایکنجی جمله ایسه الهامک بر نوع قابلیت اولدیغی و قوای وجدانیه نک محصله سی اولسی حسیله او وجدانی قوتلره برابر تحصیل و تدارک ایدیه بیلیر بر حالد بولندیغی کوستریور .

بنده کز الهام حقنده کی افکار حکمایی تدقیق ایتدم . بولدیغم نتیجه ایکنجی جمله کزک و اوجه نک نتیجه نک عینی ایدی . شو حالد برنجی جمله ده آکلایه مدیغم بر نقطه نک وجودی ظاهر در . . .

ذات تحریرانه لرنک عینی مقاله ایچنده تضاد و تناقضه دوشمش اولمکز احتمالی عدیم اولمغله بو طرزده اداره لسان ایلمکزده کی حکمتی دها آچیق بر لسانله ایضاح و عاجزلرنی ینه بو مقاله علیه لری طولایسیله دوشمش اولدیغم غیای ترددن بر دقیقه اول خلاص بیورمکزی استرحام ایلرم اقدام .